

通

父

詩

存

通甫詩存自敘

敘曰起乙酉終戊午錄詩三百一十二首惟質性疎陋學之不勤開之不廣研之不精所從去古人遼遠又重疾夫世之噉名鶩進以詩爲贅爲刺利祿之涂紛如也竊重自閉錮不欲苟焉自見於天下且古之修詞立誠豈徒然哉世有督過吾者吾師也敢拜受賜

目錄

卷一古近體詩八十七首

送王慈雨入都 乙酉

昔游

送徐健安之官潼關二首 己丑

鬱金篇 庚寅

雙燕離

春曉齋中作

有所思

訓潘四農自都枉贈之作

送王孝廉之山左

通分言不  
太華篇

讀青山李翰林新墓碑歌

徐健安兩上書幕府求從大軍西征壯其志氣慨然寄

詩

揚州五臺山寺

辛卯

述舊長歌寄李朗山

吳環九牛圖

哭健安參戎

四首

臺城晚眺

徐鶴孫涉江渡河千里見訪詩以慰之

壬辰

李元忠歌

過張處士

崇禎隱居

雨泊灣頭

荒年謠五首

癸巳

送人南游寄題金山寺

甲午

江夜

寄徐廣文穎上

二首

吳子野畫東海營圖

乙未

諸郎

二首

履霜行

春雨示同學諸子

明月

古別離

古歌

響水口 二首

和友人登雲臺絕頂

哭王郎 吳 二首

懷孫進士 萊 廣州

失陵

登通州城樓

舟夜感懷

曉起

自邵伯埭西至引塘橋遂游梵行寺

奉題卓海帆夫子居庸題壁圖

丙申

別黃香鐵

德州渡河

題徐子容少府溪山垂釣長卷

丁酉

郭羽可舍人墨竹引

長歌贈吳稼軒孝廉

明大內蟋蟀輓歌

憶長安舊游

十八首

哭王慈雨

九首

卷二古近體詩七十九首

在平作

戊戌

贈張亨父同年

贈澎湖蔡廷蘭孝廉

二首

長歌送亨父之武昌兼呈林少穆制府

次亨父河間題壁韻

亨父用前韻復贈再次其韻

閏四月十八日袁江道中念亨父今日當至樊口馬上

慨然爲詩

袁江遇江龍門歸桐城

贈王郎

考功子

秋雨雜詩八首

得林少穆制府書知亨父于役襄陽將近閩中且爲海



外之游憶之作詩

送稼軒入都四首

庚子

得稼軒京師書重寄

二首

客思

觀彭城兵赴吳松防海

金山寺

北固山

游焦山作

四首

題元穎川王父子清秋迴獵圖

題路文貞公遺集

讀史雜感五首

重有感八首 辛丑

苦憶二首

送劉州丞赴皖 三首

烽戍四十韻 壬寅

崖州司戶行

三公篇 三首

投贈周東阿制府四十韻時周方乞假歸宿州

檢篋中得嶺南黃廣文 劍 閩中張同年 際亮 手札

憶焦山 癸卯

憶金山

黃通守席上喜晤蔡少府卽事有作

河決後填淤肥美友人藉資爲買田宅夏日遣奴子往  
視黍豆歸報有作

客居

題周侍御宣府課經圖

送邵生東歸

東澗歌送嚴生

聞張亨父卒於都門哭之有作

五首

得周侍御都中書及詩知歲晏仍有宣府之行期以來

秋南歸賦答二十四韻

卷三古近體詩七十七首

姚廉訪自海外被逮入都過南清河有缺將候旋奉

恩命謫宦四川欣慨交錯賦寄三章

甲辰

雜感十二首

哭湯海秋同年

絡緯

乙巳

聞林侯官入關再秉節鉞枕上口號二首

丙子

蟋蟀

過荀卿墓

丁未

雜詩

四首

贈別厲伯符林少子

二首

少穆師自關中移節滇南卽事寄其公子

汝舟

編修都

中

二首

訂四農丈遺集告成感而有作四首

戊申

登馬陵山

己酉

王翁招飲馬陵山下適韋駕部奉使至順河不及展敬

寄之以詩

題蔡通守後亭

雨甚入於彭城

大士巖

放鶴亭

大佛寺

登戲馬臺

登東城

晚登黃樓

韓觀察招飲含青館醉歸奉簡

二首

望湖亭

白鹿洞

同史廣文譚少尹坐紫翠軒石牀品山泉作

雲龍行宮

贈允上人

十三夜月

再贈允公

觀允上人舉爐歌

四月十六日雲龍精舍同慕韓廣文攜譚兩生集紫翠

軒作

自桃山趨黃桑峪望瑞雲寺

入瑞雲寺

瑞雲寺阻雨竟日

山中早起

晨陟後山觀洗鉢池

樗公塔

出谷行二十里至龍泉寺

道羅家港至二十五里橋

瑞雲寺南樓

送在上人歸安宜

柳泉

微山湖

望月懷遠

贈葉潤臣舍人

石門橋

雜感五首

辛亥

卷四古近體詩七十九首

三月十四夜試院對月卽事有作五首

壬子

讀史偶作

講武

呂祖閣道士是 仁宗時官監



秦平陽斤銘拓本爲王比部賦

葉小鸞眉子硯爲王孝廉賦

致經堂圖爲孔舍人賦

題孫芝房同年蒼葦谷圖

二首

題伊漪君菰蘆息影圖

野鷺山居圖歌爲鄒孝廉賦

留別曾滌生侍郎

過南苑作

鮮花會辭

送戴五

鈞衡歸桐城

四首

送符孝廉遊皖

南沙河雨夜聞軍中急遞有作

嶧鄉道中

自嶧縣舟下丞水入泲河抵宿遷舟中雜詩

六首

宿桃源驛

入門二首

贈周生

癸丑

贈傅明經

桐

卽送其之山東

二首

送賞大

禮

題何子毅效錢南園六馬圖

甲寅

周止安畫冊爲周蓮亭大令賦

牡丹畫卷二首

乙卯

宿遷道中遇西川張孝廉懋康二十韻丙辰

半城

青駝嶺大風

公氏山居

登岱至一天門作

斗姥宮

迴馬嶺

半山亭

憇五丈夫松下

萬松嶺

南天門磴道

登日觀峰

登玉皇頂觀古封禪臺

碧霞元君廟

東嶽祠

下山登南天門樓

齊河橋

自阜城至河間道中

四月三日同人祀願亭林先生於報國寺遂爲展稷之

會賦五十韻

題葉潤臣江漢歸舟圖

再題城南買醉圖

南歸述感雜詩 八首

途中懷人五詩

蕭寺尋秋圖爲張午橋舍人作 丁巳

宥函殉難江浦遙哭以詩二首 戊午

門人沐陽周韶音

南豐譚祖訓

甥 安東黃虞

男 葵

蕢 仝校

通父詩存卷之一

送王慈雨入都乙酉

我昔十七齡意氣高軒軒君從塞外來紫色須眉蜷傾蓋秦  
東門賓酒蒼梧巔騎馬大澤中一月去不還明年初渡江方  
舟踏怒瀾論兵北固樓感歎周郎賢歌呼振林壑蛟龍驚洞  
漩歸來孫卿宅夜夜分寒甕寶劍明月光玉壺頗黎泉睥睨  
天下士放浪白雲篇意將千萬乘致主軒義前行復隨赤松  
跨虎游名山此志竟蕭條徒步歸田園嚴秋沙草枯狐兔驕  
長肝臂鷹出漣城鳴鏑東海邊秫田佳釀多河鯉登盤鮮跌  
宕少年場功名何有焉君今往大都得意須聯翩飛狐關峩  
峩巨馬波潏潏奮翼欲從君私懷難共言莫以參辰別各在

東西天飛雲驚窮野萬里相周旋

昔游

昔游莽迢遞今望獨蒼茫落日見孤隼驚風吹大荒蛟龍秋  
改窟鴻雁夜違霜搔首歌哀郢鯨波萬里長

時湖決

送徐健安之官潼關

己丑

黃河旌旆去悠悠終古雄關踞上游百二河山尊白帝五千  
文字拜青牛泥丸地險車聲壯沙苑天寒馬骨秋回首玉京  
人萬里朝朝風雨夢螭頭

秦雲隴樹路悠悠新息平生憶少游榆塞西風窺牧馬桃林  
春雨望歸牛地分四塞咸京固人立三峯太華秋見說遊魂  
棲雪海更無心看大刀頭

鬱金篇

庚寅

楊花爲浮萍一氣變化之張羅待高鳥毋乃所願非皎皎天  
邊日團團園中葵吳人懷寶劍忽與徐君期鏡裏芙蓉花對  
面空爾爲可憐白壁光照耀青松姿忍令清路塵化爲濁水  
泥白雲與紅葉倏忽成離披夢中捉胡蜚笑殺莊生癡多種  
鬱金香佐以萱草枝莫將支機石說與河濱兒

雙燕離

雙燕相傍飛飛飛入人家青天游絲挂白日飄然銜出雲中  
花初入烏衣巷還過青瑣門交飛瞥見語不息金刀碎剪玻  
璃聲誰家女公子紅絲苦相殫自從花間離一去無消息東  
風搖蕩珠簾開雙燕朝飛暮獨來銜泥墮落亦不拾雕梁繡



通言卷之一  
戶久徘徊

春曉齋中作

東方猶冥冥禽聲在高樹卻看檐際白已照屏間素羣動尙  
未作微夢忽已去因悟人生初澹然無百慮起看庭中條零  
落滿朝露青春若可畱吾與爾同趣

有所思

玉階青草滿修竹生蘭幃落日百花掩細雨春蟲飛靜想情  
已結起伫空猶夷所願了不諧悵爾東風歸

酬潘四農自都枉贈之作

故鄉空雲水望遠何寥廓翳昔此追涼舊懽悵如昨一罷淮  
陰酒中更丹楊郭遠念日下人果枉京華作高鳥擁歸雲長

天倚秋嶽寤想空陵緬飛沈兩寂莫安得駕雙龍煙霄破羈縛

送王孝廉之山左

前年君自潁川來相逢海國傾金罍去年君向燕臺去我亦  
南問橫江渡燕齊吳越萬里天與君立馬相周旋臨行滿酌  
一杯酒笑看新月懸秋煙側聞君歸不得意北游欲辨澠淄  
味竹溪流水生微波遙瞻魯國何嗟峨堯祠擊鼓白日晚徂  
徠山前風雨多君不見昔時太白酒樓春樓下荷花笑殺人  
如今人去花亦落銜杯一望愁心神不然岱嶽峯頭看東海  
仰穿御道窺天門七十二代委春草萬古厯落松風聲君家  
家在鏡湖側若耶溪水照人碧何不歸臥雲門寺何不歸耕

謝朓宅五侯七貴不足攀黃塵滿目行路難魯壺美酒對君  
飲臨風惆悵凋朱顏

太華篇

友人新自邵陽歸道出華陰具言三峯之勝爲賦此  
篇

黃河五月聲喧阗間君西從天上來終南太白不挂眼華嶽  
三峯何雄哉穿雲裂日九千仞舉頭問天天欲應芙蓉峯接  
芙蓉城玉女明星照明鏡太乙蓮花十丈開蒼龍極望迷雲  
臺雲臺下瞰氣深黑洞穿河底忽東出魚龍翻倒人上行耳  
畔不斷嘈嘈聲朝陽峯前坐朝日桃都山上天雞鳴仙人長  
爪五百尺橫空擘破青冥函谷關前氣猶紫龍興虎視如

流水秦皇漢武可憐人東望蓬萊心欲死五嶽尋真約向平  
願從此地說無生攜來小謝驚人句白帝宮前呼白雲

讀青山李翰林新墓碑歌

東方仙人去不還長庚老子畱人間丹書劍錄不去手騎龍  
跨虎游名山九十六君太平世西來偶坐飛龍騎昭陽宮裏  
一顰眉倏如青天墮平地東過商洛游梁園燕姬趙女如春  
煙吳山桃李不稱意西來高臥匡廬天廬江軍聲夜半起淮  
南諸侯作天子赤金不受五百斤白首西行九千里大江茫  
茫洞庭秋三年歸及青山頭玉棺一降金斗渚明月空懸鵲  
鵲樓鵲樓牛渚浮雲改青山萬古幾人在姑溪流水蛾眉雲  
依舊隨波到東海君不見當時身穿宮錦袍如今腐化生青

蒿不見御賜天廚羹如今麥飯知誰陳  
頗黎明月難長久遺珠去作民間婦  
空持死後千秋名不換生前一盃酒  
依稀記得謫仙人興聖皇帝九代孫  
遙將千點瓊瑰淚灑向蒼梧萬里雲

徐健安兩上書幕府求從大軍西征壯其志氣慨然寄詩

將軍 帝室之虎臣 先帝之末攀龍鱗  
十年落度謝朝謁歸臥淮南白氎巾  
湖上騎驢覓詩句儒雅風流何恂恂  
一旦提兵赴西極快如俊鶻穿雅羣  
黃河五月風濤奔挺劍躍馬當關門  
八川形勢繞太華二陵風雨悲亡秦  
潼原萬里一孤島屹立已是千人軍  
側聞崆峒多烟塵雪山北接蔥河源

防秋勁卒數萬騎苦戰往往連冬春將軍上書不報聞忠憤  
一湧黃河吞眼前不識尙結贊胸中已無吐谷渾花門朝朝  
試劍士戍樓夜夜占星文憶當西寇初游魂君也海上來相  
親荒街古寺暮沽酒劇談夜雨天傾盆男兒願作李西平不  
願老作中書君何時一掃欃槍淨橫槊高歌看塞雲

揚州五臺山寺

辛卯

山寺晨光清肅肅四無人聲數聲竹入門萬箇綠照人上下  
參差一寺雲林幽殿古佛象大燈明香細經壇尊朝曦浮瓦  
萬象出山果墮地百鳥喧梵聲出林似流水白頭長老眉過  
唇旁行疏寮幽絕處但有桂香無桂樹門外風帆來笑人午  
鐘未動念念去

述舊長歌寄李朗山

我少落度材不羈心高意大無所推千金散盡一盃酒拍手  
笑殺淮南兒就中惟君推莫逆甘羅城畔始相識白苧春衫  
烏角巾皎皎知是青雲客三年不見思頗深東來海上尋同  
心海上茫茫沙草晴黃河濁浪春風聲君家瀕河我近市五  
里之隔聞鷄鳴與來便騎果下馬直到門前楊柳下楊柳蕭  
蕭拂溪流野水彎環容一舟黃雞白犬各蕭散紅藤翠葛交  
清幽雙鬟十三巧梳頭纖手自奉花藝甌佳人中厨鬻刀柔  
紅鱗上市芹芽抽梨花春酒照眼綠一醉便作三日畱買舟  
更探射湖遠六幅蒲颿流轉四月五月海雨鹹蘆葉沙沙  
暮潮捲湖雲作夢迷東西醒來微聽沙禽啼烟波來往無相

違明年我逐秋風歸君亦改卜南湖陂鳳谷邨邊多草樹欲  
訪仙源不能去書來似惜別離深相呼相喚淮南路勾湖水  
渌如瓜瓢淮南女兒名月香喚來尊前彈履霜城頭月出天  
微黃小艇穿花花低昂天風吹空笑聲舉美人張袖登城舞  
水光雲氣不分明增鈴忽送瀟瀟雨老子祠西落月明仍呼  
道士吹玉笙朱門玉洞盡秋水樓臺似欲浮空行此間一月  
足千古相逢盡是海鷗侶驪場迴首總茫然黃葉西風又一  
年大江月白秋無邊瓦官雪浪高連天南朝攜手作重九花  
枝插徧秦淮船方將西尋采石渡更欲東試中泠泉雲漂雨  
泊不稱意朔風大雪心憂煎人生有情類春草紛紛離合知  
多少我家阿葵君愛之花紅雪白頗嬌癡君來如放山陰楫



爲君呼出教吟詩

吳環九牛圖

古來畫牛傳戴嵩後有吳環筋骨同畫牛取肥不取瘦蹄尾  
圓大尻脰豐沙新水淺柳葉闊林香岸古桃花紅幾家漠漠  
社公雨一川蕩蕩蘆芽風春秧下地麥苗秀髣髴村落江淮  
東一牛斂草一牛臥兩牛掉尾穿烟叢旁行三牛齊渡水迴  
波貫鼻聲洶洶兩牛嫠珊下遠坂牛露腰脊行從容太平田  
家盛畜牧此間豈有多牛翁今年秋水半天下荆襄饒豫纒  
蛟龍江淮南北尤橫絕萬屋風捲隨秋蓬耕牛如山餓欲死  
往往屠宰山邨空三公自古問牛喘陰陽之理吾所惜側聞  
有詔下都邑普貸牛種驢春農小臣夜兆維魚夢何時考牧

廣新宮

哭健安參戎

出塞誇猿臂還朝戴鵝冠  
夜霜千帳白春雨九門寒  
御騎空營立遺弓戰士看  
傷心說飛將何必雍門彈

風雨淮南夜狂歌正爾思  
豈知苦吟日已是蓋棺時  
燈影須髯豎風聲劍戟馳  
分明前夕夢囁喏萬人姿

十口家何在三軍涕共揮  
英雄生易別貧宦死難歸  
座冷同官奠塵昏舊賜衣  
傷心一老校間撥紙錢飛

無地堪薶骨平生願裹屍  
音書身後達奴僕死前離  
壯氣歸西嶽陰風折大旗  
峭潼天一綫更比玉關危

臺城晚眺

矯首青天二水明西風寒峭亂鴉聲樓船似馬爭趨海鍾阜  
如龍欲進城壁月淒涼宮樹老金甌殘缺佛燈清寒潮夜打  
荒山腳猶認浮刀百萬兵

徐鶴孫涉江渡河千里見訪詩以慰之

壬辰

八月九月江水平獨鶴飛過吳王城余方歸臥烟波裏鶴亦  
尋余渡淮水相逢一笑口不言手指金杯姑飲此當時見君  
淮南垂與君醉裏攀桂枝吳船滿裝百斛酒勺湖九曲尋逶  
夷魚燈影小夜榔急風蒲力弱沙禽啼西遊不遇思南渡長  
泖湖邊孤舟去秋風吹入五雲溪布帆遙挂毘陵樹迴船伐  
鼓昇州行江楓岸荻影紛紛錦袍紗帽笑攜手酒樓對捲青  
山雲青溪小姑嬌於花河亭四壁花爲家微霜夜打石城柳

當筵勸客小垂手一聲風笛金川門離心已到鑿江口竭來  
萬事嗟不遇衝風踏雪海東路望門投止多然疑市南大宅  
誰當推已分今無李元禮安知世有鄭當時徐鶴孫君勿憂  
我不能覆君千間之大厦尙能臥君三層之高樓日飲亡何  
醉卽休青絲白舫消春愁相期更踏蒼梧頂下看蓬瀛萬里  
流

### 李元忠歌

吾愛李元忠長揖渤海長頭公露車濁酒來雍容國士到門  
門不通急還吾刺非英雄高王握髮前致恭素琴一曲彈未  
終幽定六州如捲蓬頃刻關洛分西東當時建義聲轟轟敖  
曹真虎公真龍丈夫要在能活國十五萬石隨東風歸來一

笑酒杯空不愛將軍僕射與儀同何況刺史太常與侍中葛  
巾幘被大樹下滿庭花藥秋濛濛少府踴躍步兵窮眼前鼠  
子多於蟲臥龍而後無此翁

過張處士

崇弼

隱居

偶逐閒雲去因逢流水源歸牛徐隱樹小雨久藏邨柳茂稽  
康宅花狂庾信園賜書因借讀先澤溯清敦

君之先祖舉康熙中鴻詞科

雨泊灣頭

蒼山不可極一櫂且孤征寒雨白遮驛遠燈青入城鄉音鄰  
舫認湖氣暮天明住近吹簫地蘆花有雁聲

荒年謠

癸巳

饑疹洊疊瘡痍日甚聞見之際愍焉傷懷爰次其事

命爲荒年謠事皆徵實言通里俗敢云言之無罪然  
所陳者十之二三而已

賣耕牛

賣耕牛耕牛鳴何哀原頭草盡不得食牽牛蹢躅屠門來牛  
不能言但嗚咽屠人磨刀向牛說有田可耕汝當活農夫死  
盡汝命絕旁觀老子方幅巾戒人食牛人怒嗔不見前村人  
食人

拾遺骸

拾遺骸遺骸滿路旁大饕烏啄皮肉碎血染草赤天兩霜北  
風吹走僵屍僵欲行不行醜且尪今日殘魂身上布明日誰  
家衣上絮行人見慣去不顧觸穢生齒橫當路

縛孤兒

縛孤兒孤兒縛急啼聲悲主人出門呵阿母阿母垂涕洟已  
經三日不得食安用以子殉母爲不如棄兒去或有人憐取  
主人聞言淚如雨家中亦有三齡女前日棄去無處所

撤屋作薪

撤屋作薪雪霰紛紛三間老屋昏無燈朝撤暮撤屋盡破竈  
下溼烟寒不溫大兒袒小兒羸餘草布地與包裹明日思量  
無一可尙有門扉堪舉火

小車麟麟

小車麟麟女吟男呻竹頭木屑載零星嘔呀嗚嘶行不停破  
釜墮地灰痕青路逢相識人勸言不可行南走五日道路斷

縣官驅人如驅蠅同去十人九人死黃河東流捲哭聲車麟  
麟難爲聽

送人南游寄題金山寺

甲午

泉是中冷好樓從北固分送君風瑟瑟相憶水泔泔僧臘逢  
殘雪江晴見斷雲遠公如借問爲誦北山文

江夜

已失盧龍紫來看幕府青浮空天淦淦欹枕水泠泠廟火懸  
孤嶂江風捲亂星腰間玉犀在月黑走精靈

寄徐廣文穎上

老輩靈光在他鄉暮景偏春來懷楚信盼斷過湖船萬卷清  
時俸諸郎海上田雪中歸雁少寥落杪冬天



舊業餘青史閒官稱白鬚懸知帳前滿不向府中趨問俗經  
黃霸論交到灌夫還憐秋水色晴浪蹙西湖

吳子野畫東海營圖

乙未

黑風捲海倭船來銀濤雪浪如山積洋山高島不復見騰游  
之門安在哉金門萬里傳烽戍行人夜過恬風渡念念朝議  
撤藩籬長釘短柵牢關住烟火如雲二萬家一時驅逐隨飛  
鴉瓊宮玉殿燒狐火深巖大壑盤虬蛇二十年來海壘閉部  
臣一去漕臣至重開鎖鑰洞門垣十萬峰巒有生氣建牙吹  
角邊風生朱旗落日千山明詞人水殿拋毬曲龍女春游拍  
浪聲香杭野麥連山藪游兵不到朱蓬口小校閒攀洞口桃  
將軍解種營門柳吳生健者寫此圖撮米山川定不如君不

見大洋東望海水黑青天一髮窮夫餘歲弓臥鼓君莫娛鯨  
帆犀甲光模劬太平有道四夷守乘風破浪無時無

諸兒二首

阿葵年七歲讀書自不歇雖無驥子姿見人畏嗔喝阿蕢今  
四齡心孔大狡黠跳地作彪兒人誇好毛骨最小名夢官墮  
牀裁逾月念念爲人父眉目那能說自來厚邱縣宿昔頗念  
切判無果餌致畏見衣袴裂壯夫抱奇懷四海多孤孽詎爲  
兒子慚卓哉古人節

小甥吾所憐三日生早孤零丁頭白姊珍重匣中珠九齡病  
癰癩身無完肌膚遲迴依我家視與諸兒殊每當風雨夜達  
旦聞啼呼母子同一哭終歲無乾襦起來紫鐙火爪血腥模

餬吾母不忍見背坐聞啼噉此景那可說說之肝腸枯安得  
腰千金四海尋扁盧

履霜行

鴨鳴鴨鴨雛朱朱母雛爲鴨哺其雛生兒不看長成畱與他  
人爲奴阿父出門後母持家兒來前湖中草實多纍纍朝出  
提筐暮黑方來歸不敢告饑汲水前溪滌溺器爲嬌兒潄中  
衣亡母位在堂兒來焚香房中呼不臆奪手中香拉雜蹴踏  
之小子心不良九月蒼蒼晨起履霜往哭亡母墓旁阿叔騎  
大馬出門勒馬爲兒下不敢告阿叔紛紛淚雨交墮往告汝  
父汝父當自可父兮歸來問阿母一字未吐阿母怒目錚錚  
誓作父大難兒不苦黑風打頭天欲雨

春雨示同學諸子

牢落不成點蕭寥晚更勻春雲如遲客高柳漸依人  
沙渺黃  
爐夢飄飄白衿身吾門二三子久亦狎吾真

明月

明月非春水如何滿地流離離出海嶠盎盎注金溝  
花露時  
翻鵲風江有去舟多愁拚看汝扶影傍南樓

古別離

快刀不斷路快馬不斷塵君聽塵中輪是妾腸中聲  
丈夫懷  
四方隻手牽長纓君行爲黃金妾心那得平君愛終身別妾  
愛終身貧將妾來比金君心自分明

古歌

汲水當汲泉插花當插蕊不復歸本根向君瓶中死常恐斷  
君腸不結青青子

響水口

海上樓臺事久虛東來匹馬意何如萬家瀟氣驕晴日五月  
雄風送大魚時逢閏夏入塢帆檣首銜尾出泥螺癰骨專車蓮舟  
太乙飄何處祇欲浮家從老漁

莽莽乾坤水一杯秦船漢舶散爲灰雨餘海馬乘潮上風急  
神魚拜廟回陰火沈烟迷島國青山如黛湧雲臺揚帆破浪  
非吾事小試張郎作賦才

和友人登雲臺絕頂

大洋東望渺無垠獨上丹梯近紫宸九點烟迷三島月十洲

風轉六鰲身番僧結屋棲山鬼夷舶到羊祭海神聞說桃花  
開似斗不知可有避秦人

哭王郎

吳

八年哭汝祖五年哭汝父汝叔歸重泉汝兄尙淺土汝姊未  
笄亡汝姪痛不舉連顛六七喪新主滿廊廡堂上何所有三  
四老寡姥庭前何所存弱弟行踽踽出入何所賴老僕當門  
戶十五解讀書蚤夜事攻苦十八能持家部署頗縷縷謂汝  
眞夙成每共親弗語誰知中道乖驚風摧蘭杜傷心雙眼枯  
無淚能哭汝頓足一長歎夜黑蒼天雨

門後青桑枝門前白楊條大宅空無人九夏風蕭蕭去年聞  
汝病踏雪溪南橋對牀相就宿爐藥翻秋濤今年聞汝病在

遠心搖搖急驅方入門但見殘楮飄骨肉尙未寒高塚已嶮  
燒哀哀越巫言禁忌何饒歟家人不得送孤魂出遠郊藁葬  
旣非禮况乃同狴牢永絕骨肉恩俯穴心忉忉

懷孫進士繫廣州

海外仍諸國天南限一隅土兵船載象番客斗量珠翡翠搖  
春帆檳榔入夜廚如聞酌泉水可帶越裝無

吳陵

三十功名未肯閒酒酣走上鳳皇山寒雲落日不稱意數徧  
開平戰壘還

登通州城樓

畫角營門亂鳥還朱旗微閃夕陽間海風吹酒不成醉立馬

城頭看劍山

舟夜感懷

歸路疑天上羈心晚鬱陶  
逆風過午驟危岸入冬高  
市酒連泥甕江魚剖竹刀  
深閨枯杵響應念寄征袍

曉起

曉起寒生袖推蓬霜滿天  
西風燒竹路北客載棉船  
鸛鵒穿林小車螯入市鮮  
客囊任蕭索羞用賣文錢

自邵伯埭西至引塘橋遂游梵行寺

共說南塘好何人此地經  
湖天寒變白冬樹水靑螺  
女眉痕闊魚舟鮓味腥  
徘徊仍獨去斜景下冥冥

奉題卓海帆夫子居庸題壁圖

丙申



雄關上千仞古色立積鐵摩空盼燕雲元氣何時裂少宰建  
星輅下馬清興發腰間白豪筆飛動蚪龍掣墨噴遼海雲氣  
貫太陰月慨想嬴劉來乾坤幾戰血至今彈琴峽流泉澀鳴  
咽太平二百年砥道走深轍落日阜雕閒飛啄關門雪持作  
九邊鎮庶熈燕然碣

別黃香鐵

百年在一夕揮手卽萬里自非木石人誰能復禁此我家東  
海濱君家南海隅海水漂浮萍宛轉一須臾君謂我盛強相  
見當有期我強君已衰世事安可知握手臨街衢長歎無言  
辭遠燈炤君行深巷風酸嘶今日孤館宿明旦易水湄易水  
暮東流青天無見時痛惜有生初爾我交參差不爲萍與岑

猶爲斗與箕南北耿相望茫茫慘中私

德州渡河

黃砂渺渺暮雲愁無數帆檣繞德州欲覓鄉船通一語滿河  
燈影下中流

題徐子容少府溪山垂釣長卷

丁酉

南宗平遠窮纖穠北宗莽蒼堆高空營邱華源不復作江山  
萬古誰清雄國初蕭生聲隆隆近來獨數徐髯工髯也十  
二棄雕蟲十五十六遠從戎南極沈黎西甘松寶刀殺賊不  
快意一官手版今龍鍾雁門馬邑連雲中翁昔佐郡驂花驄  
蔚州官舍簿領少但食山綠扶孤筇日斜吏散坐小閣千山  
萬水來心胸吳縑百端墨百挺突兀四壁生華嶽三年歸臥

建陵月倏忽騎馬摩蒼穹幽州四月天多風九門翠幃驕游  
龍宣南小邸日局鏤冰槃堆案櫻桃紅我來窺戶正磅礴十  
指幻出千芙蓉今之二圖尤慘澹其一似仿山樵翁溪山垂  
釣大不易扁舟忽送江流東四十年來鳥過目卻憶快馬彎  
長弓狐關雪嶺幾萬里晚看鏡水磨青銅思君不見愁枯桐  
片帆欲動蛟龍宮梅梁禹穴今何在渺渺青山一去鴻

郭羽可舍人墨竹引

舍人自寫墨竹十二冊傳之子孫  
誓不以與人余見之長安眞至寶

也

湖州老守游大荒丹邱墨竹推擅場七百年來失此筆令我  
不復思瀟湘永豐先生眞肌腸中有山渌兼湖光清都夜直  
每發興落筆驚動中書堂當時手寫十二冊誓傳孫子爲寶

章王侯貴人奪不得驚風震霆久低昂吾鄉老詩伯

謂四農

與

翁追逐雲龍翔翁年視我丈人行愛我贈我新篋管堅柯鏗  
鏗裂地極古色慘慘愁天皇五月酷熱宣南坊驚起夜坐風  
繞廊蓬萊道山天茫茫落葉一散可憐傷潘侯與我同郎當  
翁亦望雲思章江都門痛哭一揮手至今班班之淚畱縹緲  
蒼梧泱泱九疑長望而不見心徬徨嗚乎此才乃得中書郎  
人間蕭艾徒芬芳

長歌贈吳稼軒孝廉

九河莽莽沙入天黑風不鎖高陽關二更城門半乍戾西南  
墨雲大於馬急雷推雨渡滹沱九十九淀飛白波巾車迢迢  
夜柰何我時擁轡君高歌斜月青熒下交河曉來鞍馬俱委

蛇當時被放四千人潘侯師弟情最親歸來萬事如轉輪聞

君南游江之濱石城楊柳天門月往往哀唘感鬼神雨雪慘

慘愁蕭晨蹇驢訪子黃河津尙書丹旆來悲歌動行塵

汪吳泉尙

書輿輟歸里貧不能達程軒經紀之

官高何足羨不得歸荆榛千金脫手贈感

子意氣真漁溝曉起踐霜月角城鼓角悲寒雲惡懷正賴絲

竹寫發興那愁兒輩問夜深寘酒河橋驛美人如花捲簾出

琵琶聲疾酒杯寬醉搗寒梅上高壁南雲北雁交參差燈火

如山又一時我方走馬韓山陞君亦載酒行從師潘侯潘侯

絕世姿愛我不管瓊與瑰南行見汝鑾江湄試將客舍王郎

曲譜入屯田柳七詞

明大內蟋蟀輒歌

余在京師於故人王考功宅見故明宮瓢莢色瑩粹  
雜續花草細絕生動中爲穿孔四達或謂後宮以甃  
階砌養蟋蟀之用此戲宣宗時尤盛莢質厚潔亦非  
他窰所及烏乎宣皇仁厚恭儉號稱聖明猶未免此  
山齋少事聊復賦之

祭酒昔賦蟋蟀盆今我重歌蟋蟀瓢昇平樂事耿在眼  
披掌古物生寒烟瓢長九寸闊減半廉隅肉好觚稜全  
小孔穿風黑黝黝研光暎月寒娟娟秋花的皞了可數  
款式恐自宣皇傳永洪之後久清晏內庭進講幽風篇  
齋宮茅茨邁皇古瓜瓠雜植東西軒宣宗於東苑起一草舍雜植瓜瓠之屬引閭臣游賞臣榮臣溥臣原吉  
賡歌再拜軒羲前豈有至人亦玩物金盆玉合紛連蜷  
黃門

分道中旨出豆棚瓜架江南天蘇州太守下火牒捉生小兒  
爭金錢銀鞍寶馬惜不得雕籠萬箇來幽燕楊公不語夏公  
默歎忽已過中興年雨淋日炙三百載往往棄擲當街屢長  
安萬事貴新異鷄缸雀瓦同登筵飄茵墮溷亦偶爾金牀玉  
几悲茫然太平君子重小疵江河不絕由涓涓君不見武林  
門外秋風裏葛嶺荒寒何處邊

憶長安舊游

金海橋頭柳萬絲浴鳬飛鷺晚參差空吟太液滄波起不見  
么荷出水時

新蒲古栢禁垣斜水殿春深待翠華不惜一鞭江海去藏臺  
南畔數宮鴉

左掖門邊垂柳枝金河橋上影離離晚來風起千官散正是  
宮鶯欲下時

射苑平臨小殿開  
先皇閱武在層臺虎頭燕領人何在

望斷秦雲去不迴

徐建安開業進士第一人卒於潼關參將

仁宗時武

後門烟月相公家萬卷琳琅擁碧紗誰道清時眞御史自攜

鴉觜撥園花

汪幼清給諫報源時李芝齡方居總憲以中表迴避

風流少宰典朝衣鎖院春濃晝漏稀一笑河陽花縣尹衆中

親捉叵羅歸

芝齡少宰招飲酒器甚佳四農捉其一登車遽去

吏部清貧老更狂秦軛漢瓦聚東廂不知俸米今餘幾買研

明朝典鵜鷄

王慈雨考功性嗜研翁學士所藏皆歸其家有九十六研齋

江亭結客氣如雷綺席雕筵次第開四十二人如雨散眼中



誰是不凡才

酒樓高敞傍仙寰虎觀龍亭指顧間誰識青袍一年少滿斟

金爵看西山

宮樹濃陰拂講臺澄懷園是小蓬萊分明夢裏念念到眼看

羣仙渡海來

徐辛庵師入直上書房因移居澄懷園中招余課其諸公子辭焉

南海黃香老謫仙短衣匹馬氣幽燕僧樓一醉西風急吹上

潮陽萬里船

黃香鐵劍就官潮州廣文

戎馬書生黑鼠裘湘簾槩儿小山樓五湖一舸衝風去知在

湖州定嵎州

徐子容少府廣緒

千金肯賣數竿竹萬里爭求尺壁書老可風流獨不見滿船

晴雪上匡廬

郭羽可舍人僕霄

鸚綠猩紅到眼明  
草橋風物可憐生  
寒燈臥聽蕭蕭竹  
猶作新荷驟雨聲

烟樹依依隱塞垣  
鳴駝催日下黃昏  
毘盧閣上邊風緊  
一傍寒雲望薊門

相國荒莊綠草蕪  
祝家園裏長蒲菰  
旗亭酒幔都蕭索  
誰與斜陽弔曼殊

沈水簾櫳出翠蛾  
金鵝樓閣月橫波  
櫻桃斜畔春星落  
一曲淋鈴柰爾何

江湖老我可閒行  
忽夢搖鞭出鳳城  
絕憶西堤好風日  
乳茶桐酒過清明

哭王慈雨

通言不  
七載欣初見春風紫陌長到門驚跣足拜嫂喜升堂射圃臨  
街小宮雲覆苑香呼兒旋解榻秉燭坐相忘

洗沐春多暇聯吟坐一車暖風溫室樹小雨帝城花解襍西  
隄水停鞭上相家歸看馳道直宮日每低斜

不第自當去將歸期屢更疾風吹大道雙淚出京城書切仍  
追寄心孤且暮征桑乾千里水鳴咽作離聲

隔歲無消息離居信眇驢殘春逢令弟落月上長安客路千  
垂柳鄉書一去鞍入門翻痛絕惻愴裂心肝

舊宅歸鄰好遺書散友生羣公都一哭孤櫬暮南行屢厄津  
門險愁逢橫海兵姪甥出京邑辛苦過任城

水驛仍遷次孤兒更遠游亂山趨上黨赤日度遼州葛帔交

情見麻鞋踵血流誰將故人子重爲彥升謀

猿鳥悲吟處山城始哭君喪車果魏報昔夢尙紛紜墮地餘  
孤劍招空有斷雲傷心千萬語冥漠幾回聞

相向但泥首諸雛忍更看長塗毛骨瘦清吏子孫寒舊業推  
羅季全家累一官如何勤教育不獨爲艱難

風義兼師友平生復幾人每思營葬地長歎負恩身事業終  
何濟文章或有神孟公遺集在嗚咽涕沾巾

通父詩存卷之二

荏平作

戊戌

馬生起徒步雅志輕王侯抗論萬乘前許身伊與周  
駸駸千里金蹄風塵不可畱當其逆旅中獨酌無人  
酬長嘯梁甫吟流盼觀九州士也不逢時浩歌天爲  
愁荏平漢縣古萬家聞清謳朱繩提玉瓶翠裏持金  
甌當驩不能醕皓月橫天流攬轡復中野風霜增百  
憂

贈張亨父同年

宣武坊南路比鄰似一家深談交涕淚小飲敵風  
沙樹隱千門月霜低九陌花莫尋騶卒語游騎滿京  
華

贈澎湖蔡廷蘭孝廉

蔡常帆海遇  
風至安南

溟海崩騰際餘生頃刻間鯨呿全裂地鰲斷忽逢山草樹分  
諸島文章落百蠻不緣抱忠信萬里許孤還

未滿乘風志單車天上來羣公方相馬無地與登臺並世萍  
蓬合中原塵土哀南歸語蛟蜃東望乃蓬萊

長歌送亨父之武昌兼呈林少穆制府

張侯文章何卓犖氣壓華嵩極寥廓十年去住幾浮雲四海  
飄零一孤鶴前年別我遊廬山奮身九疊雲錦間南昌太守  
招不還仙霞東望青巘翩如倦鳥投林烟榻來詞賦同燕  
關燕關酒客多如雨南城游騎交衢舞龍泉寺裏幾樹花暝  
天十丈嬌紅霞高僧不歸仙鹿死惟有詩客來咨嗟詩客相  
逢總搖落雕盤綺席難斟酌西山落月半城樓櫻桃斜畔春

星幽停尊下馬催清謳銅龍咽水千花愁酒亦不能醉客亦

不能留浮邱仙人邀君住呼我同看城南樹山莊水木湛清

華乃是詩人斷腸處

尺五山莊園主人葬焉

蘆芽掩水風蕭蕭斷橋朽

柱迴廊腰君醉欲哭我欲笑誰見女蘿山鬼心飄搖明日重

來更何有下馬立盡旂亭酒當筵未贈豐臺花飛塵已滅黃

村柳易陽門外波連天君家阿兄來周旋小館燈昏各無語

使我鄉思同茫然鄉思茫茫萬山阻一尊送汝下南楚西樓

黃鶴已無情何處江山弔黃祖武昌大帥賢且才盼汝欲使

青雲開飯汝青玉案酌汝黃金罍世間知己亦易得如此傾

倒知誰哉我將南歸淮水涯石田茆屋生蒼苔亦知文章動

卿相且將名字薶蒿萊聞君更欲渡瓊海天南姚合遙相待

姚石父  
廉訪

萬里風帆一鳥飛坐令青鬢繁霜改繁霜青鬢兩酸嘶  
炎天朔雪知何時迴看去國塵千里苦憶臨風篴一枝

次亨父河間題壁韻

仙人高駐圭峯頂臥聽龍潭百尺流忽憶蓬萊幾清淺便持  
寶劍任敖游白雲一散燕山晚黃鶴重來漢渚秋若念淮南  
舊松桂他時迴馭海西頭

亨父用前韻復贈再次其韻

明過東郡趨淇口便渡蘭陽下汴流宛葉青山非舊俗漢襄  
紅樹記前游中原龍鳳誰同調南國荃蘅獨感秋何似歸尋  
洞庭水誅茆好種橘千頭

閏四月十八日袁江道中念亨父今日當至樊口馬上



慨然爲詩

送汝東昌匹馬行計程今日定樊城三更夢裏齊山淚一棹  
燈前漢水聲短髮江湖悲世事望門親舊見人情隆中自古  
高嗟地我欲攜家從耦耕

袁江遇江龍門歸桐城

君自岱宗來決皆開天脯昂首雲海外扶桑落襟肘茫茫九  
宇窄隆隆坤軸厚俛仰七十代雄詞振瓊玖南望蒼梧綠驅  
車遵海右蕭條秦東門殘碑失蝌蚪遲迴渡黃河握手驚解  
荇上聞大鴻臚新章動星斗海內三十年靡風積昏垢君文  
關運會假手告君后少展濟時略得辭寒儒醜復聞徐孝穆  
奄忽棄尊卣此才極淳懿問年匪耆耆文章等飄風誰能金

石壽嗟我別京師六旬忽已久近思七閩客遠念五羊叟黃香  
鐵傷心燕市游淒涼散屠狗驚雷震華屋檐雨注清瀏洶洶  
棖桷動勢與洪濤走開懷掩潛涕迴懽命卮酒頗思皖伯國  
龍眠好邱阜六月大江流扁舟繫沙柳暫爲歸林人誰畱活  
國手春明公重來此邦多良友終期雲龍合膚寸徧九有不  
見日觀峯白雲重回首

贈王郎

考功子

雛鳳無凡毛新桐無庠枝由來汗血駒隨地能橫馳十年在  
故鄉十年在京師看汝日長大紫氣騰雙眉去歲晉陽游老  
母紛涕洟六月登太行赤足血淋漓貴交何足恃痛哭黃河  
湄歸來百無有城腳團茆茨舊書堆滿床兄弟相嚶呶我時

在京華騎驢心悲摧落日過君廬但見烏雅飛汝來今何爲  
未語神先悲看汝面色瘦得非中寒飢雖無舊業存幸賴諸  
父慈努力振門戶男兒羞高貴空山風雪多側伻凌霜姿

秋雨雜詩八首

秋霖無定端颯沓凌晨來戎戎帷幕暗瀟瀟樑棟哀淒禽共  
別葉千里紛烟埃頗似風波民接館栖寒灰齷齪欺人蚊  
蚋薨成雷身上寒女衣淋漓生青苔夜深大蛇出蜿蜒當中  
階畏此不敢行拔劍心衷哀憂端如黃河橫決隨巔崖河流  
尙可塞重陰無由開

少小謬識字不習把鋤犁筋肉日緩散文弱同嬰兒三十上  
春官再上迷丹梯摧頽八荒志低首就轅軻蒼涼海上田老

兄躬耕之無人共力作蕪漫爲荒蹊秋雨洒牛欄晚豆花已  
萋努力同一苦猶勝羈四蹄築場或不任庶驅雀與鷄

人生太古來有如沙填河袞袞赴狂瀾死者亦何多青歲徵  
逐人各已歸蓬科將軍沒關西考功棄京華寂寂張處士有  
子今荷蓑嗚呼萬夫姿中壽一鳥過秋燈洗孤劍夜雨天滂  
沱向來蒿里詩恐是勞人歌高齋白楊枝百歲當如何

洪湖阻我西巨海迴我東亂流趨我南大河北來同萬派一  
源困灌輸始有終如何九土士散落紛驚鴻向者升天行叱  
吒雙飛龍卿雲九光姿炳燭三垣宮密雨不須臾化爲茫茫  
風安期頭已白玉女顏非紅或傳元圃窟下與東瀛通赤鯉  
期不來青鳥爾何功臨流竚天末隻影愁蒼穹

朝雨不出門暮雨復歎息雨中十萬家百態分苦逸與夫泥  
沒邾貲官衝雨出貧女愁唧唧妖女倚清瑟請言倚瑟女金  
璫晃雲日一帷五萬餘一衾十萬值貴官分所宜賤女爾何  
職不見窮巷士柴茅啜幽泣

幽蘭挺纖質實惟閭產良夏華解煩毒秋華瑩清蒼植之赤  
蓋盆貢君白玉堂涼秋疏雨來露穎含低昂昔爲窮士娛今  
爲貴者芳宛彼空谷姿德衰違其常傾心託微風牆高不可  
當側想故園菊已隨秋草黃古來重同根惻惻憂風霜

秋蚓蟠深泥不識青天高偶因龍雨升夢夢徧九霄一擲下  
土中瞑目成黏膠永隨糞壤朽無復螻蛄號風雷不易憑鱗  
甲傷爾曹蒼蠅致千里井蛙東西跳爲語草間螢深夜無游

敖

長安春雨時天街淨可掃暮集韋孔廬晨出直門道鬪車層  
城風嚼馬瀛洲草淡淡昆明波氣與天河杳太行五色雲輪  
困落懷抱歸尋潘張輩金石斂幽宮衷中西京作大字日晶  
晶自視一日間聲華動八表側搶垂天翼聞寂投林鳥紅芳  
捐令節枯荷覆幽沼空館數風潮青燈黯愁曉

得林少穆制府書知亨父于役襄陽將返閩中且爲海  
外之游憶之作詩

武昌開府寄雙魚聞道張融未定居暫向隆中尋大隱還歸  
海表問先廬九霄鸞鶴迴孤嶼萬里滄溟接使車

時姚石甫  
廉訪臺灣

遙見東南客星在青天一髮到夫餘

送稼軒入都 庚子

黃塵滿馬齊西道碧水連雲趙北陂朔雪山風騰虎氣春沽  
茅屋隱蛾眉江湖寂寞雙垂涕廬旅荒寒一繫思知汝聞鷄  
愁不寐籠燈照我去年詩

宣南邸閣對西山佳氣常浮几案間夜擁千嶂揮彩筆朝看  
一老臥蒼顏文章師友影零盡歌管風花次第閒幾樹右安  
門外柳春來金縷爲誰攀 往與潘吳同居孔刑部宣武邸寓  
都人謂文章交游之盛無逾此時  
此出都孔刑部韋駕部置酒餘芳亭折  
柳攀條泣然涕下詩中一老謂潘丈也

苦思泥飲韋兵部不見憐才黃侍郎故舊風流餘繾綣大都  
文物極雄蒼行廚古剎仙泉淥委佩江亭碧草芳更道浮邱  
不可接黃雲白浪滿瀟湘 黃侍郎謂樹齋浮邱  
謂湯儀部海秋也

張郎揮手武昌樓，萬里茫茫大海游。  
天下奇觀原絕域，古來春色自皇州。  
長鑱橡栗千篇淚，斜市櫻桃一夕愁。  
騎馬花時韋杜曲，因風道我雪盈頭。

得稼軒京師書重寄

憶汝宣南寺，山僧與誦經。  
階花連禁雪，窗樹繞宮星。  
舊雨隨年散，殘尊帶淚醒。  
不須悲宿草，故國已青青。

太行一片月，不到楚江頭。  
獨有何戡淚，南隨海水流。  
長風送消息，小市閉清愁。  
莫唱陽關曲，寒雲滿薊州。

太息張亨父，青霄一鶴飛。  
如何武昌去，不見帝城歸。  
滄海無舟楫，中原有渴飢。  
頻嗟老開府，辛苦破重圍。

聞道關西使，中途拜表行。

海秋奉使關西中途奉諱歸

萬山爲位哭故國



戴星征忠孝難方始功名老漸輕傷心各嗚咽並入暮江聲  
西便門前路楊花與暮烟月壇春寂寂馳道草緜緜寶帶宮  
門酒銀豪馬上篇玉泉游賞地春水一茫然

象教西天遠龍庭北府寒 聖恩思駕馭此輩盡衣冠賄贈

勞中使珍奇賜太官如聞

皇祖訓畱與萬方看

西僧哲布遵丹

巴呼圖克圖入覲 天恩優渥蓋欲以鎮撫諸蕃與前世崇奉西法則有間矣來書語及故云

西洛冠裳會南皮賞讌同朝賢盡壇坫海內必英雄一散江  
亭雨三年東寺風白雲春萬里側仁看歸鴻

### 客思

客思自多感商聲忍獨聞山蟬知向暮秋雨不隨雲蟹蛤江  
南地魚龍海上軍中原徵調盡攬涕望妖氛

觀彭城兵赴吳淞防海

樓船下洪河六月大興師往問主將誰南征行備夷舟山不  
復守乍浦勢尤危吳淞控大江東南纏地維守險可百勝嚴  
師固藩籬中樞下火符副相總戎麾海疆八千里腹背聯絡  
之側聞蛟門軍半是吳中兒此輩市菜傭臨難心然疑楚兵  
氣精銳彪彪千熊羆百年養汝曹危急安足辭獵獵大旆風  
沈沈淮流馳彎弓指東溟不得中顧私莫畏統御嚴中丞有  
母慈行矣謝送徒報國方在茲

金山寺

維舟瓜步城解纜金山下峯峩俯要津豈有避世者登頓少  
盤陀水樹漸瀟灑秋色絢長林朝陽浮萬瓦 龍馭六十年

寢殿落梧櫓金闕莽榛蕪僧寮煥丹赭憂來步江樓清淚臨  
風瀉永望海門軍戈船去如馬

北固山

蕭公北顧地宮觀何粲粲綠巖不數轉已陟浮雲顛白日動  
大江怒龍迴其瀾慨焉 聖祖初鯨豕屢洞旋至今戰死血  
沸渭波吞天山南列戍守旌旗晚翩翩戰馬浮深池奔突超  
風烟何況築城卒晝作夜不閒築城不須高戍卒未盈千所  
恃在天險睥睨層厓間晚登多景樓士女紛喧闐晏游集清  
興撫事深憂煎人生戎馬際慘戚凋朱顏

游焦山作

丁酉秋潘丈四農毛君生甫姚公石甫同游茲山都

已有詩石刻尙存觀其激遠灝漾雄桀並出自有茲  
山惟斯文在爾來潘丈死姚公奉 命海外毛生亦  
老病余獨後至三復泣下山方崩阨又毀於兵歎日  
月之輪馳盛衰之感抑有不盡者也

江聲西津來鬱怒不可當連峯犯驚濤勢與蛟龍翔茲山氣  
鴻濛松栝慘虬蒼深根穴地極幽阻窺天光天光漏雲日  
蟄棟開八荒北風鵝鶴聲清落吳天長坐使枯槁懷百動相雷  
碩湍壁慄我魄神定色不僵終姚呂梁人披髮游滄浪

臨流去何之登頓阻不前中峯萬丈石奮落如下天立神盡  
摧槩欄楯森鉤連輦路壞嵯峨金碧紛委闌山川久莫定感  
召誰使然東南正格鬪流血海水邊魍魎纏清秋羲和不可

鞭憶昨甘露遊遂試中泠泉三山同日圮毋迺五行讐感時  
氣崢嶸念國心憂煎安能從焦生寂寂荒巖間

昔遊有三士氣與雲天杳潘侯旣下世毛生色枯槁觥觥姚  
使君麾節領絕島冠裳聚山澤文章動霞表大字龍虎姿磨  
崖風浩浩尊前幾浮雲海內一孤鳥痛哭九原人沈薶不復  
曉願惟靈蹟存作鎮茲山寶誰能傾東海一洗憂心掃

海門東山東負絕阻巖幽入門淒有聲風竹何修修竹間綦  
履蹟潘吳昔同遊捫崖辨姓名落石青已秋自從軍馬來燬  
蕩爲荒邱守卒數百人解甲酣嬉游禦寇當禦門絡馬先絡  
頭如何將鞶鼓日夜驚沙鷗

題元潁川王父子清秋迴獵圖

潁川王察罕帖木兒旣死立其甥王保保爲嗣是爲  
擴廓帖木兒明太祖定中原擴廓走和林屢侵北邊  
雖以中山十五萬之衆而不能挫所稱天下奇男子  
也擴廓死妻毛氏從之別一妾攜幼子帆海世居崇  
川王衣冠墓在焉裔孫保君大章出此圖二胡奴前  
導擴廓繼之察罕居後最後女奴戎服幘首雲髻儼  
然虬髯騎而從蓋王家姬也此事元明兩史不載然  
其家乘如此感王父子英武偉略樂附於篇云

君不見潁川父子兵馬雄廓清河洛空山東義旗一指羣盜  
縛電掃六合如飛蓬北塞太行西峭潼崎嶇百戰摧堅鋒推  
心置腹亦大度遺恨不獨誅田豐字羅思齊皆乳童羣狐鎮

惡誰能容中朝水火日尋釁長城自壞天無功王昔建義聲  
轟轟汝潁子弟來相從錦袍玉帶照原野小隊結束明刀弓  
白日慘慘天雨楓馬矢燒徹山爲紅可憐狐兔獵欲盡至尊  
不在瑯華宮天魔舞罷鴟鳴風真人濠泗占飛龍黃河一木  
可徑渡十五萬衆徒恩恩是父是子英烈同金華史筆存至  
公崇川墓草秋蕭瑟萬里和林一望中

題路文貞公遺集

赤縣橫流日黃扉飲恨年防河空劃地蹈海已無天詩草畱  
蠻服公在嶺表有非詩草一卷荷花落墓田祠在野山前臨太湖荷花數十里蘋繁何處

薦欲上洞庭船

讀史雜感五首

鐵艦雲颿滿上游建牙吹角動高秋三千組練發犀弩一夜  
風烟散火牛絕域威名驚小范中朝黨論送維州虎門鷺島  
孤懸地坐甲從容待運籌

立仗蕭蕭老驕驢忽聞鳴鳳在朝陽空傳 天語褒殊錫無  
復 廷爭守 御牀戰鼓悲涼旄節落星軺畱滯海城荒長  
沙稍喜能流涕寂寞青蒲望報章

條支萬國大荒西職貢經年道不迷旅拒公然爭互市 廟  
謨終與講招攜大軍解甲供牢禮小縣徵丁習鼓鼙 聖世  
只須勤內治旋教瀛海盡航梯

征蠻部曲數楊羅今日誰當馬伏波楚國三男生絕小將軍  
十萬辦原多奇謀競搏中行說猛士爭求曳落河幕府紛紛



滿朝傑急應親奮魯陽戈

圖山關外見旌旗  
鐵瓮城頭戍鼓悲  
夜色橫江狐吹火  
軍聲滿地鵲移枝  
中原徵調空千里  
北固登臨又一時  
獨倚蒼茫看海色  
樓船如馬日東馳

重有感

辛丑

清酒黃龍約屢譌  
珠江瘴海日橫戈  
全開門戶容蛇豕  
漫握韜鈴布鵲鵝  
燕將不聞誅騎劫  
趙人猶是愛廉頗  
征南部曲淒涼在  
忍聽臨江節士歌

披髮何人訴上蒼  
孤舟百戰久低昂  
前軍力盡宵泗水  
幕府謀深坐裹糧  
握節魂歸雲冉冉  
颺灰風疾海茫茫  
神光金甲分明見  
喫血銜須下大荒

張公苦意絕天驕忽報呼韓款  
聖朝便遣頻陽老王翦豈  
宜絕域棄班超跼事業心紆  
折射虎河山氣寂寥珍重玉  
關天萬里西風大樹日蕭蕭

白哲通侯畫戟雄黃扉假節  
黑頭公銀槍世領親軍使鐵  
券家傳汗馬功弓矢臨邊恩  
數異金繒誤國古今同如何  
更賣盧龍塞從此東南鏢鑰  
空

五羊城外趙陀營百處風聲  
草木驚仗鉞將軍喧就逮秉  
鞭王子靜專征螭頭妙選千  
金士虎節新徵十道兵見說  
珠崖近乘勝前驅幾日斬長  
鯨

龍頷弓高拜故侯羽林精銳  
下黃頭料兵荆楚遙傳箭輓  
粟洪饒急唱籌江轉千盤連  
鐵索山圍五管似金甌英謀  
老算

今何在一夕烽烟滿目愁

吉網羅鉗事有無金鷄纔下痛慈烏關中儲倚思劉晏塞上  
風雲避郅都麻經臨戎天慘澹千將出匣氣槃紆斬蛟殺虎  
威名在祇待從容展壯圖

南州使者建雙旌萬里相呼載酒行本以文章期報國翻令  
書劍學從征倉皇發策丹心炯慷慨登陴白髮生草檄飛書  
枚乘事獨能無意向功名

單地山師視學粵東凡三書召與  
同行以親老辭先生後以失職長

歸假

### 苦憶

苦憶西川楊少保十年長劍倚崆峒河山信誓君臣契關洛  
旌麾父子同百戰威名資坐鎮三朝禮數絕諸公當時恩遇

兼終始不獨雲臺第一功

羅藝平生勇絕倫  
摧鋒陷陣必身親  
王侯將相寧有種  
磊落嶽崎可笑人  
蠻府千峯聞坐嘯  
河源萬馬識歸塵  
征西宿將今餘幾  
悵望南天淚滿巾

送劉州丞赴皖

佐州非劇職  
取道及霜晨  
一舸兼天遠  
長江到日春  
水吞全楚  
盡山接太湖  
隣定有郊門  
候兒童意最真

寰海仍防寇  
中原急點行  
誰將間左戍  
暫緩壽陽兵  
地僻多虛警  
軍孤有怨聲  
憑君能坐嘯  
莫作近功名

萬里菖蒲海  
三秋瓠子宮  
鴻溝原向楚  
汜水失朝東  
渦泗紛紆裏  
荆涂悵望中  
所過殘井邑  
何以集哀鴻

烽戍四十韻 壬寅

烽戍八千里謳歌二百年山河環北極虹蜺亘東天  
廟算紆長策麾旄屬大賢亞夫堅走敵充國老屯田  
成敗歸時議衰榮與境遷老羆失當路俊鶻圻空拳  
蛟蜃樓臺黯龍蛇歲月纏雄藩深坐甲上相起行邊  
已寵軒墀鶴誰憐浪泊鷲和我計翻覆嚴譴意流連  
橫隴京東道梁溝洛北川雉垣危嵒嶠鱗屋激洞漩  
使者中樞輟溫綸閣下宣自天恩浩蕩奉詔涕潺湲  
編管辭輸作芻蕘竊備員丁男大農籍竹槌水衡錢  
三尺梁園雪孤臣屬國甄脰毛銷毳輞心血漬烽烟  
賦土洪流莫回春霽景鮮雲中思魏尚檣上忽張騫  
白簡持朝論黃扉拱御筵聖懷虛擁護國是太周旋  
牛李自漢

逐松維永棄捐釁原匪馬邑功豈忘澶淵惻愴舒劉嘯蹉跎  
誤祖鞭羣公一揮手別淚洒河堧遠鐸聲悽咽鳴駝氣踟躕  
陽關風浩浩黑水夢濺濺路並陰山直沙盤大漠圓此生斷  
消息吾道屬屯遭每憶清淮夜初迴下瀨船深談略年輩激  
賞數詩篇置醴延申白馳書問草率龍門終負李馬骨未歸  
燕字忍三年滅旌悲萬里懸黃雲遮不斷落日眼常穿塞迥  
稀逢雁春寒慎脫棉刃鏝愁滿月劍血澀飛泉縣寓仍防寇  
邊兵盡控弦誰傾西海水直爲洗戈鋌

崖州司戶行

君不見衛公矯矯人中龍秉鞭作鎮川西東銳弓臥鼓兵馬  
雄二邊震聳趨華風蓬婆滴博爭來同一言不合奇章公顛

側朝局如飛蓬我欲登高望海水珠崖茫茫八千里手持湘  
竹枝涕淚垂不已古來萬事有如此君能斷鰲續柱正四極  
不能使馬頭生角烏頭白又能驅山走海障狂瀾不能使長  
虹貫日霜降天車師疏勒連于闐條枝更在西海邊馬嘶無  
草人無泉猱猱塞道蛇滿川劍牙丹口腥流涎行人十無一  
二全君獨何爲浩浩然叩天關震天鼓黃河經天卻東注白  
日照耀寒門苦不見崖州老司戶

三公篇

裕公致命死王公憂死東南岌岌劉公撐拄而已又  
抱病幾死懷賢憂國情見乎詞

故 欽差大臣兩江總督裕靖節公謙

裕公忠臣後正氣何堂堂起家謝閭閻致主繇文章東南  
大藩地實領財賦疆士女壓笙竽溝洫流稻梁昏昏寶珠域  
僊僊歌舞場感歎風俗頹嫉邪森剛腸意待五蠹除坐使萬  
民康淳風未迴斡醜夷紛陸梁舟山棄其甲虎門嗟排牆流  
涕拜表行前驅心飛揚昔我有先臣戰血漂大荒主憂臣  
則死投袂親戎行一呼百夫奮再呼千帆張流沫誓三軍天  
水久低昂斥堠日謹嚴間諜亦有方捉鬼剝其皮斷筋續馬  
羶羣鬼哭澈天海水爲沸湯初攻昌國城三帥同時戕再戰  
招寶山軍門氣凋傷公時秉鞭出下馬頻宮旁豐碑摩日月  
大字標流芳永痛誠勇公血淚終承睚軍門單馬來登城語  
倉皇揮手謝軍門百口不得將君與此賊生我與此城亡嗚



乎英靈姿鐵立色不僵 皇情久震悼羣議猶披猖安得傳  
此詞稽首陳太常

贈太子太師大學士王文恪公鼎

皇朝二百載養士餘幾人大哉蒲城公隻手迴天鈞立朝重  
山岳上殿驚星辰當時中書筆肺附專經綸雖無伴食嫌終  
謝幃幄親賴其樸誠極每叨 恩遇頻嶺海有棄甲梁宋無  
安鱗中原千里土化爲荆與榛被 命紫閣下持節黃河津  
道逢侯官公荷畀來天垠僦屋風雨夕露立冰雪晨司空三  
尺籍水衡百萬緡銖兩慎支劄尺寸籌芟薪嗚乎兩賢績萬  
古畱河濬公功未克敘侯官出玉門是時龍蛇鬥虹蜺遶城  
闔歸朝奏事畢廷對升 紫宸流涕守 御床 聖意久浚

巡古來格天業結念期精真齋戒坐小閣萬言倏然伸一請  
罪大帥再請責樞臣語多氣激烈反側聲酸吞蕭蕭起草亭  
耿耿燈火昏一死豈溝瀆畱感 天聽尊 天尊聽斯卑公  
死無兒孫哀贈何足榮所貴公論存觥觥史鱗節精白無溜  
磷我欲賦大招雷電交天閭剖心告百爾此義難重陳

浙江巡撫劉公韻珂

中丞齊魯士屹立氣蘄絕臥病臨安城千里固積鏤重值甬  
東敗曩園日飈颯元帥天上來驕盛貴莫匹所將多禁卒虎  
皮冒羊質動止須關白豈得無肘掣義律固詭譎僕鼎尤恍  
惚乍浦逮餘姚千飄常撇振砲火灑空來晴天黯飛血義勇  
先倒戈大將莽奔蹙關隘歟不閉公怒目背裂抽刀斷江流

分寸不得越氣阻昌國濤令肅錢塘月大義責主帥小心詰  
如點聞范破膽寒撼岳力阻折以茲西湖波晴光蕩城闕每  
恨貪功徒上章苦論列宸聰頗虛納物議堅莫奪嚴譴  
爾依違公論未昭雪伊昔侯官公謫戍事倉卒蕭條行李來  
握手兩絕訣解贈五百金箱篋立空竭金甌正完固寶劍豈  
折缺反念玉關人萬里犯炎熱隕涕下黃河到海聲幽咽去  
住兩忠賢夢魂永忉怛

投贈東阿周制府四十韻周方乞假歸宿州

憲皇振天綱六合一開霽田李擁旌節傅鄂管朝議惟時正  
恬熙擺蕩羣蒙歲擊伐厲衰俗綜覈肅吏治爾來又百年休  
養劇汪濊地大物斯衆仁至缺者義不無雷霆威一震噴龔

世東阿起州郡慘淡厲鋒氣視漕淮楚來青天散魑魅滔滔

江漢流莽莽蠻獠裔移節大賢後

謂林侯官

坐鎮羣僚際嫉惡秉

鷹鷂守節匪毛鷲參佐竊威福彈劾起文字古來大臣體不  
辱刀筆吏釐纓造請室慷慨自引對傷心投荒年慈暉虞淵  
逝國法嚴程期逋臣痛含禭白日照精誠 天恩許下淚嶺

嶠水羣飛蛟鯨毒相噬荷戈憤所切金革義毋避麻衣赴萬

里草舍辭一涕生當縛鬼章死願填精衛密陳攻守機指畫

營壘勢未咎中行背已變司徒幟醜虜再翻覆吳楚勢旒綴

將軍三死綏主帥九遷次京口天下雄行省財賦地江山大

焚獵草木亂驚沸敗聞 天顏震切責衆心悸馬角一朝還

金鷄九天唳百谷復瀆溢二儀激澎湃暫許金繒和急通揚

粵稅許公論便宜仗公爲屏蔽王愾小牧謚親恩愴迢遰上  
書北闕下歸守東山第墳土渴營建宗社永懷繫焉知局促  
徒猶切睚眦忌四海厭瘡痍孤忠老顙頤默想雍乾年思與  
數公濟赫赫 皇祖烈盪滌大無外

檢篋中得嶺南黃廣文釗閩中張同年際亮手札

自枉書解皆三數年缺未酬報昔與二子居長安時  
士大夫以文章聲氣折節四方之士南城讌游之樂  
高軒飛蓋華筵雕席殆無虛日今風塵憂迫行老死  
邱壑間泣然援筆不復點次

昔在長安日朝野多驩娛上計四千人被褐懷璫與爾時振

宗風實惟大鴻臚

黃侍郎

徐編修

葉鴻臚

氣誼古黃

編修陳

侍御才藻舒折節盡下士冠蓋紛九衢江亭揖西山秀色春  
慶鏞槃紆隆隆翠織憶皎皎白雪駒雕筵值十金展席俯闔閭奇  
文戛璆瑯天風吹明珠黃子起嶺南張生來東隅肝膽照白日  
日翺翔驕上都談笑杯酒間千載一斯須聖人坐齋官實  
海氣剪腴月竈速日出琛寶連舟車言語則侏儻漸染知詩  
書上國求文章諸君皆鳳雛捆載滿歸橐椎髻相懽呼姓名  
動四夷豈獨隘八區摧積壯事去宋莫青歲徂猶及太平年  
長嘯歸樵漁風颺忽振駭邊徼日凋枯崎嶇兵火間誰復安  
田廬朝廷注東南親賢仗馳驅亦有同志人變化隨龍魚  
亂離文雅賤歌哭身世殊高秋數晨星少微光有無聚散一  
桃梗尙想歌黃虞不見太行山佳氣飛蓬壺

憶焦山

三年不到松寥閣一飯遙思枯木堂  
遲日魚龍仍漫漶中流  
栝柏自青蒼雨餘舊壘崩危石亂後殘僧聚夕陽惟有上方  
鐘磬響江風海月共雷琅

憶金山

雲中笙鶴擁旌幢不信天魔舞未降  
六騎登山晨拜廟一舟  
載索夜量江得人未覺金甌缺失策眞宜玉斗撞惱亂中冷  
泉下水腥羶日夜洗奔瀧

黃通守席上喜晤蔡少府卽事有作

驚飈駕長淮五月氣淒厲時艱惜懽娛主客千里至蔡侯歷  
下彥骨氣聳精銳治譜夙曉達兵法吐滂沛前年隨上將拔

劍捎機杼蒼茫闢將日恍慨論兵地到今廣州敗激昂滿襟  
淚計策獻不收功名從所棄橫腰三尺鐵中宵自磨礪寰海  
滿謳歌壯士默歔歛藉問今何官營造繕軍器洗濯六州鐵  
斟酌百工餽看子鍊心兵辛苦穿冥契 聖訓重不虞此物  
豈嘗試側聞太常卿入告動 天意行當佐及所不獨走魑  
魅須爲杜武庫勿隨寶車騎談深酒杯闊座促鑪鼎沸放浪  
客途狂嗚咽歌喉細萬國尙防戍百年苦畱滯常恐相見時  
非復平生志夜闌披心肝欲起重牽曳當權暫開顏問事終  
裂眦明發渡洪河孤雲渺天際

河決後填淤肥美友人藉資爲買田宅夏日遣奴子往  
視黍豆歸報有作



寶劍不下壁妻孥使人愁中歲忽無家出處長悠悠此邦人  
事熟亦有良田疇况多素心侶結念棲林邱百畝費百金感  
此友誼周去年金隄決鷄狗隨東流死爲沙與蟲生爲鵠與  
鳩哀號市田宅黠者仍掉頭安知吾子孫異日免此不春風  
裂厚土吹敝空髑髏久行無人烟林燕聲嗷啁不耕亦已種  
黍菽何油油常恐秋水溢覆轍追前轡蕭條江南東戰地無  
人收夷虜尙翻覆兵食勞前籌艱難愧一飽鬱結懷九州大  
哉生民初粒食誰與謀

客居

趨涂慎一決知者識其端如何百年內雲雷長盤桓跼處苦  
悽戚飛鳴無羽翰窮年坐突兀刺促摧朱顏非無壯士姿撫

通志卷之二  
劍攄心肝出門浩茫茫嗚乎行路難且復就良友誅茆求田  
園傍屋卽僧家無僧有梅檀小松三五株嫋竹數十竿噲  
鐘鼓聲亦來衾枕間初意暫棲泊忽踰三暑寒人生寄所適  
寂寂竟何言

題周侍御宣府課經圖

雁山東斷五臺起太行龍脈趨遼水宣府一城控燕雲十萬  
邊兵敢傍此昔時重鎮擁貔貅今日師儒盛文史侍御白面  
書生耳琴劍漂零萬山底邊女生小掣駱駝邊兒十歲能弓  
矢馬邑名豪捧雉羔雲中太守供祿米伊昔長安花滿天君  
家兄弟俱少年風流二到南朝彥名字雙丁鄴下傳無端點  
染辭朝籍赤足茫茫踏沙磧九邊冰雪馬牛風三年月露關

山笛頭白歸來萬事空大梁風雨愁哀鴻

侍御弟編修恩綬沒於河南霜

淒北固寒沙水潮落西津感暮鐘江山萬里傳烽罷世事中  
宵涕泗同重來訪我淮西路僧房葉落鴉啼樹劇談卻意漠  
南天白草黃雲射雕處玉關生入又頻仍師友中年感慨新  
更將磊落崎嶇意慰爾東西南北人

### 送邵生東歸

亢歲萎條柯衰世貧高門子家千戶貴椒落如飛塵昔遊具  
釣駟今來乘獨輪衆中一顧步意氣高千春典衣市金石真  
釜無炊薪何知無炊薪子有七尺身文章未閱實已見江海  
奔鳳雛踞九天困此竹石根惻愴吳粵郊烈火燔空村萬事  
合變化身外安足存子歸但鍵關吾亦誓墓人詩成或寡和

載酒來相親

東澗歌送嚴生

東澗澗東流  
汙汙五十里  
君家第幾橋  
結屋照澗水  
春風入我廬  
就我吳城居  
我居雙樹間  
日夕聞齋魚  
齋魚聲了了  
落葉僧房早  
夜來風雪寒  
枯燈映窗小  
燈火思依依  
風雪送君歸  
人生有家室  
安得苦離違  
明發渡河去  
河水冰上渡  
離人沙岸風  
歸鞭郡城樹  
城頭亂棲鴉  
夜航君到家  
扣門東橋月  
已向吳城斜  
勸君吳城酒  
藉問東橋柳  
橋頭木杲軒  
淒涼今在否  
淒涼當奈何  
送君東澗歌  
春明若相憶  
因書澗水波

聞張亨父卒於都門哭之有作

北馬南船萬里餘  
圭峯孤負好家居  
懷中漫滅狂生刺  
閣下

浮沈宰相書冷海乘桴空有願洞庭結屋竟何如平生風調  
凌雲去髣髴高冠切太虛

往事東南可涕流紛紛功罪付陽秋都門誰送楊臨賀下澤  
翻同馬少游不分玉關遮漢使卻教丹旆累歸舟龍眠風雪

巴山雨生死知交一哭休

姚廉訪被逮入都將戍伊江亨父從之逮歿於宣南之松筠庵廉訪

旋奉旨

謫四川

升屋魂歸碧血祠傾都人看素冠隨醵金輦下衣食易犯雪  
河梁祖道遲死託友朋君亦足書無日月我終疑桐棺萬里  
今何處旋望乾坤一淚垂

招魂何處暮山青第一江風海月亭落壁詩篇籠漉漫殘僧  
燈火話晶瑩卽看東海狂瀾水已悟西方止觀經華表山川

渾未改松寥魚鼓可重聽

亨父舊讀書於焦山之松寥閣以名其集

十年踪跡共風烟幾日分攜遂渺縣公等皆生眞咄咄世人  
欲殺我拳拳仙霞海畔三千里杜曲城南尺五天折盡丹心  
無一寸徧題血淚叫重泉

得周侍御都中書及詩知歲晏仍有宣府之行期以來

秋南歸賦答二十四韻

牢落吳城雨淒涼燕客書中朝仍削迹絕寒更愁予日月  
冥外乾坤洗濯餘得歸欣解網將母自推車萬里侵華髮三  
年展敝廬故交多戰地骨肉且安居淮月沿孤棹河風送塞  
驢村沽連客到佛火點窗虛傍我能瀟灑登程獨歎噓中原  
愛灌莽時議急儲胥龜血頻東走鯨波尙北吐沙飛潛鬼蜮

風煖避鵝鵝四海輸漿璫諸公曳珮珥人官竚已濫天府篋  
誰肱一例酌金失千家掃地如更間誅半惹何補漏多魚大  
體終當惜羣言莫漫攄激昂呵壁淚冷落侍臣裾雪襪窮邊  
草霜酸學舍蒞文章防貝錦身世病遶條喜結黃花約歸當  
白露初古人念蕤醢吾道合耘耨試訪吳門卒重尋楚澤漁  
清通終 聖代泥飲共軒渠